





# PIA ORATIONIS

*Quam habiturus erat Excellentiss. Christianissimi Regis Legatus in Comitij Convocationis, si non abrupta subito fuissent.*



Non sine religione quâdam huc accedo, Eminentissime, Excellentissimi, ac Reverendissimi, Perillustres, Magnifici, ac Generosi Domini Serenissimæ Reipublicæ utriusq; Gentis Procures, ac Terrarum Nuntij. Cum enim orbata capite suo Respublica Serenissima quærat unde tantam possit resarcire jacturam, & malis, quæ vel ab hoste ingruunt, vel aliunde irrepunt, occurrere, vestris consilijs importunitatem aut moram afferre nefas existimavi.

Verum, ubi venit in mentem, quanto sint apud vos in pretio Christianissimi Regis Domini mei Clementissimi nomen ac studium, minimè dubitavi, quin gratus acceptusq; venirem, jussus ea significare palam, & contestari verbis, quæ Majestas Sua proprijs ad vos literis expressit.

Ac primùm quidem, quanto dolore, quibus lacrymis audita Serenissimi Regis vestri JOANNIS III. fata prosequi cæperit, non est cur fusiùs eloquar. Fuit is Principum omnium admiratione, dum viveret, postquam occidit, desiderio summè dignus, at neminis tamen æquè, ac Regis mei, cui (ut probè nostis) erat non modò fraternæ jure amicitiae, sed & heroicæ laudis societate sic unicè conjunctus, ut jam hoc extin-

A

*Historia pol. 6273.*





*elo, non habeat ille alterum sibi aut bellicis l  
aut trophæorum varietate parem.*

*Ne putetis tamen, ô Serenissimæ Reipublicæ Pro-  
ceres, cum tot amissis in vestro Rege virtutibus, a-  
missam quoq; Regis mei necessitudinem, quæ partus illa-  
rum erat, neque enim soli Principi fuit addicta, sed in  
totam diffusa gentem, per quam ille regnavit, vicit,  
triumphavit.*

*Non est unius anni, aut unius occasionis amor ille,  
quo nos invicem diligimus; annales utrorumq; legenti  
crebra illius ac vetusta vestigia passim occurrunt, nul-  
la odij, ac simultatum: nec sine stupore videre est ne  
unum quidem in Europâ populum esse qui nobiscum  
aliquando non decertaverit, præter Polonum; adeo  
voluit esse Deus omnipotens integram, & castam hanc  
si non armorum, saltem animorum confæderationem,  
cujus vinculo Poloni, Galli, velut gens una sunt, &  
esse debent.*

*Quod quidem non ideò solùm existimaverim tam  
prosperè factum, quòd inter dissita Regna vix ullus un-  
quam esse possit æmulationi prætextus, sed ex innatâ  
potius, & mutuâ propensione.*

*Scio jam pridem hoc à meis antecessoribus nota-  
tum, scilicet eam inter nos morum, indolis, orisq; si-  
militudinem semper fuisse, ut ambo sermone tantum,  
ac veste discrepare videremur; id unum adiçio, plus  
profuisse huic florentissimæ, potentissimæq; Reipublicæ  
nostram, quàm aliorum omnium, ac præcipuè vicino-  
rum amicitiam.*

*Ex quo pacis Olivensis Mediatores Galli fuerunt,  
ac fidejussores, hinc pax æterna, quâ parte bellum  
vehementius exarserat, ubi verò cum reliquis inita fœ-  
de-*



*dera, nihil nisi sumptus inutilis, bellig, inextricabilis  
difficultas accessit Poloniae.*

*Quid plura? satis, superq, vobis compertum est,  
quantæ sint Christianissimi Regis & potentia, & con-  
stantia, nec minùs eum in tuendis amicis, quàm in re-  
pellendis hostibus invictum. Ecce quascunque vires ha-  
bet, vestræ sunt: quòd si nulla prætermisit hætenus  
interregna, quin rebus vestris attentissimè prospexerit,  
& consulere sit conatus, istud sanè non prætermittet,  
quin vobis opes omnes suas, auxilia, & quidquid ipsi  
carius & antiquius esse potest, lubens offerat, unde  
pristinus huic fortissimæ genti splendor restituatur, &  
crescant in perpetuum pretiosissima jura libertatis.*

*Ego verò felix mihi videor, quòd tandem ali-  
quando ad conspectum vestrum adduci potuerim, quem  
per tres annos frustra suspirabam, ut tam eximia  
Regiæ benevolentiae testimonia proferrem, luculenti-  
ora certè, nec non evidentiora demonstraturus,  
cùm in Electorali campo licebit iterum mihi Serenif-  
simam alloqui Rempublicam, quæ inter omnes orbis  
terrarum, una servavit sibi facultatem coronandæ vir-  
tutis.*

**Cum licentia Superiorum.**



BIBLIOTHECA

UNIV. OF CALIF. LIBRARY

GRACIA 1513 1911 12 1910 1900 1800 1700 1600 1500 1400 1300 1200 1100 1000 900 800 700 600 500 400 300 200 100 0

*Cum licentia Superiorum.*



